

*Ժեղարի հայերեն ձեռագրերի հիշատակարաններ*, Ման Բ, կազմեց Լ. Ս. ԽԱՉԻԿՅԱՆ, Հայկ. ՍՍՌ ԳԱ Հրատարակչություն, Երևան, 1955, 600 էջ:

Լ. Խաչիկյանի «Ժեղարի հայերեն ձեռագրերի հիշատակարաններ» մեծածավալ աշխատությունը Ման Բ մասը նույն հեղինակի «Ժեղարի հայերեն ձեռագրերի հիշատակարաններ» և «Ժեղարի հայերեն ձեռագրերի հիշատակարաններ» և մասի օրգանական շարունակությունն է: Գրախոսվող հատորը բովանդակում է 1451—1480 թվականներին գրված 575 ձեռագրերի հիշատակարաններ, որոնց բովանդակությունը մեծ արժեք է ներկայացնում Հայաստանի և հարևան երկրների ինչպես քաղաքական, այնպես նաև սոցիալ-տնտեսական պատմության ուսումնասիրության համար:

Հանրահայտ փաստ է, որ մի տասնամյակ սրանից առաջ XV դարի հայ ժողովրդի պատմության վերաբերյալ հրապարակի վրա եղած նյութերը շատ աղքատիկ էին, և հայագետները այդ շրջանի մասին սեղմ և ընդհանուր դատողություններից այն կողմ չէին կարող անցնել: Իրավացի էր Հ. Մանանդյանը, երբ պնդում էր, որ հիշյալ ժամանակաշրջանի պատմության գիտական լրիվ ուսումնասիրությունը հնարավոր կդառնա միայն այն ժամանակ, երբ հրապարակված զանազան չհրատարակված հայ և օտար աղբյուրները, որոնց թվում նա ընդգծում էր հայերեն ձեռագրերի հիշատակարանները: Ուրախությամբ պետք է նշել, որ այդ աշխատանքը մեզ մոտ սկսվել է և նորմալ կերպով առաջ է ընթանում: Արդեն լույս են տեսել Վ. Հակոբյանի «Մանր ժամանակագրություններ» (XIII—XVIII դդ.) երկու ստվար հատորները, «Մատենադարանի պարսկերեն վավերագրեր» մատենադարի «Հրովարտական» շարքի և և Բ պրակները և Լ. Խաչիկյանի «Հայերեն ձեռագրերի հիշատակարաններ» երեք սովորածավալ հատորները:

\* -

Եթե գրախոսվող գրքի մասին դատելու լինենք ելնելով սոսկ նրա վերնագրից, ապա պետք է կարծել, որ մենք գործ ունենք միայն 1451—1480 թթ. հայերեն ձեռագրերի հիշատակարանների մի ժողովածուի հետ: Սակայն իրականում գիրքն ընդգրկում է ոչ միայն հիշյալ 30 տարվա հայերեն ձեռագրերի բոլոր հիշատակարանները, այլև նրան կցված 143 էջից բաղկացած մի ընդարձակ առաջարան, որը իրավամբ համարվում է XV դարի երկրորդ կեսի պատմությանը նվիր-

ված խիստ արժեքավոր մենագրություն՝ գրված ինչպես հիշատակարանների, այնպես էլ տպագիր և անտիպ ալ աղբյուրների ընթերցած փաստական հարուստ նյութի հիման վրա: Այս առաջարանը XV դարի հիշատակարանների և մասին կցված առաջարանի հետ միասին ամբողջացնում է XV դարի քաղաքական և տնտեսական պատմությունը, հանդիսանալով XV դարի պատմությանը նվիրված միակ լուրջ գիտական ուսումնասիրությունը:

Քանի որ հիշատակարանների գիտական հրատարակության սկզբունքները Լ. Խաչիկյանի հրատարակած նախորդ հատորներից արդեն ծանոթ են և դրանց մասին նախորդ գրախոսողները արդեն խոսել են և վեր հանել դրանց բանասիրական ու աղբյուրագիտական առավելությունները, ուստի մենք ավելորդ ենք համարում այստեղ կրկին անդրադառնալ այդ հարցերին: Մենք կփորձենք միայն կանգ առնել հիշյալ առաջարանի և հատորին կից հարուստ գիտական ապարատի վրա:

XV դարի երկրորդ կեսի պատմությանը նվիրված այս ընդարձակ «ներածությունը», որ հեղինակի կողմից համեմատորեն անվանված է «Համառոտ ակնարկ», բաղկացած է երկու մասից, որոնցից առաջինում քննության է առնված քաղաքական պատմությունը, իսկ երկրորդում՝ շատ ավելի մանրամասն ուսումնասիրության են ենթարկված երկրի ներքին կյանքի հետ կապված բազմաթիվ հարցեր:

Խնդրո առարկա ժամանակաշրջանի քաղաքական անցուղարձերի պատմությունը Հայաստանում ընդգրկում է այն անդադար պայքարով, որ տեղի էր ունենում թուրքմենական երկու ազգակից ցեղերի՝ աղ-կոյունյունների և կարա-կոյունյունների միջև: Այդ երկու ցեղերը հատուկվել էին Եփրատի ու Տիգրիսի վերին հոսանքում, դեռևս XIII դարում: XV դարի սկզբներում, Հանկ-Քեմուրի արշավանքներից հետո նրանք սկսեցին ակտիվ գործունեություն ծավա-

Տե՛ս Վ. Հակոբյան, «Ժեղարի հայերեն ձեռագրերի հիշատակարաններ», Հայկ. ՍՍՌ ԳԱ «Տեղեկագիր», հաս. գիտ., 1951, № 3, Հ. Փափագյան, «Ժեղարի հայերեն ձեռագրերի հիշատակարանների և հատորը», Հայկ. ՍՍՌ ԳԱ «Տեղեկագիր», հաս. գիտ., 1954, № 10:

լել փոքր և սիրալուծ, նրանց միջև պայքարը սկսվել էր դեռևս XV դարի 30-ական թվականներից և դրա հիմնական նպատակը ամբողջ Հայաստանի վրա տիրապետության հաստատումն էր: Փոփոխական հաջողություններով այդ պայքարը տևեց մինչև 1468 թվականը և ավարտվեց Լիզ-կոյունլու Ուզուն Հասանի Մարանդի մոտ տարած հաղթանակով:

Լիզ Երկարատե պատերազմների ժամանակ ոտնատակ էր գնում աշխատավոր հայ ժողովուրդը, կոտորվում, կողոպտվում, գաղթի մատնվում: Այդ մասին կան սրտաճմլիկ նկարագրություններ ականատես գրիչների թողած հիշատակարաններում: Սակայն աղ-կոյունլուների տիրապետության շրջանին ևս ընդող էին հասնակի ընդհարումները հարևան երկրների և հատկապես օսմանյան Թուրքիայի հետ: Ուզուն Հասանից և հատկապես նրա որդի Յաղուր փաղիզհից հետո աղ-կոյունլուների պետությունը բզկտվում էր ներքին գահակալական կոիվներից, և երկիրը փաստորեն մատնված էր անիշխանության: Դեռևս Յաղուր փաղիզհի օրոք արդեն շափազանց ծանրացած էր ազգաբնակչության վիճակը: Հիշատակագիրները նրան անվանում են «այր ժանտ և անօրին, տնգութ և անողորմ, հալածիչ քրիստոնեից», որ «խափանեաց ի քրիստոնեից թամբով ձի հեծնել, գհնելուն ժամուց և զանգակաց, զգենմունս, և զսպիտակ գօտի առանց կապուտի, և այլ բազում շարիս արարած (և առաջարան, էջ XXXVIII): Նա փորձում էր նաև բռնի մահմեդականացնել Սյունիքում և Այրարատում գեռևս իրենց գոյությունը պահպանող հայ ֆեոդալներին: «Յայսմ ամի (1488) ասված է մի հիշատակարանում,— ե (40) ազատորդի կալան թլ տաճկացէր. այլ ողորմածն աստուած ձեռնտու և ալեհական եղև նոցա... որ է (7) ամիս կալուլական կացին և բազում տուգանք սվլին և ի հաստոցն Քրիստոսի ոչ դարձան» (նույն տեղում):

1480-ական թվականներից սկսած օսմանդի թուրքերի և եգիպտական գործերի միջև մղվող պատերազմները իրենց հերթին ոտնատակ էին տնում օսմանցիների կողմից գրավված հայկական շրջանները և Թուրքիայի հայաշատ քաղաքների բնակչությանը:

Լուսնաձևապես աղետարեր էին Արգարիլում հաստատված Սեֆյան շեյխերի կազմակերպած կրգրլաշ մուրիդների սխտեմատիկ արշավանքները զեպի Բաղստան և Վրաստան, որոնց ժամանակ ավերվում և կողոպուտի էին ենթարկվում Հյուսիսային Ադրբեջանի ու Վրաստանի գյուղերն ու քաղաքները: «Եւ զամենեւեան,— ասված է մի հիշատակարանում,— որ ի ձեռն էած (Շեյխն-Հայդար) ի քրիստոնեից և ի տաճ-

կաց դարս և զկանայս սրով կոտորեաց և զքաղաքն ամենայն (Շիրվանը) հրով այրեաց կուժաշօքն և որ ինչ էր ի նմա... Եւ զանասունս ամենայն զձի և զջորի, զուխտ և զոչխար սրով կոտորեաց, և այնպէս ոչ խնայեաց ի մարդ և յանասուն» (էջ XXXVII):

Ինչպես այս հատորում, այնպես նաև «Ժնյարի հիշատակարանների» և մասում, ընդգրկված մեծ թվով հիշատակարանները կարևոր սկզբնաղբյուրներ են նաև հարևան Վրաստանի պատմության համար: Ստեփանոս Չմշկաձագեցի բանաստեղծ հիշատակագիրը, Մելիքսեթ գրիչը և շատ ուրիշներ վառ գծերով նկարագրում են այն կողոպուտի արշավանքները, որ կատարել է Ուզուն Հասանը իր հրոսակախմբերով Վրաստանի շրջաններում, հատկապես Թբիլիսիում և Գորիում (էջ 394—395, 415):

Ներկա հատորի, ինչպես նաև և հատորի առաջարանում է. հաշիկյանը ի մի է բերել XV դարի քաղաքական պատմությանը վերաբերող հիշատակարանային բազմաթիվ կարևոր տվյալներ, որոնք, ոչպես զեպերին ժամանակակից, ականատես և ականջալուր գրիչների ճշմարտությանը արձանագրություններ, մեծ չափով օգնում են ճշտելու թուրքմենական գինաստիանների տիրապետության շրջանի ժամանակագրական մոթ և վիճելի շատ հարցեր: Պետք է ասել, որ արևելագիտությանը հետաքրքրող պատմական կարևոր ժամանակաշրջաններից մեկը հանդիսանում է հենց ժնյարի թուրքմենական գինաստիանների տիրապետության ժամանակաշրջանը: Լիզ շրջանի քաղաքական պատմությանն ու ժամանակագրական որոշ հարցերի լուսարանմանն են նվիրված նշանավոր արևելագետ Վ. Մինորսկու «Turkmenica» հոդվածաշարը մեջ մտնող տասից ավելի հոդվածներ: Եթե իլխանության և սեֆեհների տիրապետության շրջանը հայտնի է պարսկալեզու անվանի պալատական պատմիչներով, ապա կարա-կոյունլուների և աղ-կոյունլուների շրջանը այս տեսակետից գրավում է ամենահետին տեղերից մեկը: Լիզ շրջանը չունի և՛ թվական Ջուլիսիի կամ Ռաշիդ աղ-գիլի, Հասան բեկ Ռումլուի կամ Իսքանդար Մունշիի նման պատմագրության հսկանի: Եղած մի քանի խոշոր պատմագրական երկերը (Մաթլա'-ուս-սաադեյն, Ռովզաթ-ուս-սաֆա, Հաբիր-ուս-սիար և այլն) ստեղծված են հարևան մյուս մուսուլմանական թագավորների տրբունիքներում և հիմնականում նվիրված լինելով իրենց երկրների պատմությանը, հիշյալ թուրքմենական տերությունների պատմությանը անդրադարձել են միայն այնքանով, որքանով որ այն կարող էր վերաբերել երկու պետությունների փոխադարձ հարաբերություններին:

Պարզ է ուրեմն, որ նշված ժամանակաշրջանի պատմական սկզբնաղբյուրները սահմանափակվում են միայն մեծ ու փոքր ժամանակագրություններով և հիշատակագրություններով, որոնց մեջ բավական կարևոր տեղ են գրավում հայերեն ձեռագրերի հիշատակարանները:

Ակներև է սակայն, որ հիշատակարանները առավել անմիջական նշանակություն ունեն Հայաստանի և հարևան երկրների հայաշատ կենտրոնների ներքին կյանքի ուսումնասիրության և հատկապես տնտեսության ու կուլտուրայի մասին ավելի պարզ պատկերացում կազմելու համար: Այդ համոզիչ կերպով ապացուցված է գրախոսվող գրքի «Ներածական» մասում, որտեղ միանգամայն նոր տվյալների հիման վրա է. Խաչիկյանը բազմակողմանի ուսումնասիրության է ենթարկել Հայաստանի ներքին կյանքին վերաբերող մի շարք կարևոր հարցեր:

Այստեղ մենք գտնում ենք Հայաստանի տերիտորիայի վրա գոյություն ունեցող մանր իշխանությունների շարադրված պատմությունը, որտեղ լայնորեն պարզարանված են նաև այդ իշխանությունների փոխհարաբերությունները կառավարությունների և աղ-կոյունների հետ: Հատկապես կարևոր են ինչպես Բաղնիշի, այնպես նաև Երզնայի, Ոստանի, Հազոյի, Սասունի, Ջերմուկի, Սպարկերտի, Բալուի, Մծնկերտի և Հարավային Հայաստանի այլ վայրերի բրդական ամիրությունների մասին հաղորդվող նոր տեղեկությունները, որոնք ուսումնասիրողին բերել են այն ճիշտ եզրակացությանը, որ «տարբերվելով Հարավային Հայաստանում գոյություն ունեցող բրդական կիսանկախ ամիրություններից, որոնք ժառանգաբար կառավարվում էին տեղական բուրգ ամիրների ղեկավարմանը, Հայաստանի մյուս մասերում թուրքմենական քոչվոր ավագանիներից և ոչ մեկը չկարողացավ կայուն տիրապետություն հաստատել» (էջ 1.1X-1.X): Հիշատակարանների տվյալները թույլ են տալիս հաստատապես պնդելու, որ Հարավային Հայաստանի բրդական ամիրությունների ու թուրքմենական «կոլոնիալիզմի» բնակչության մեջ դերակշռում էր հայ էթնիկական տարրը և որ հայ խոշոր առևտրականներն ու վաճառուները վարչական ու հարկային տեղական ատյաններում կարևոր պաշտոններ էին գրավում, բուրգ ու թուրքմեն ցեղապետների հետ միասին անխնայ շահագործման ենթարկելով հայ աշխատավոր գյուղացիությանը:

Հատորն ընդգրկում է նաև զգալի թվով հիշատակարաններ, որոնք պարունակում են արժեքավոր տվյալներ Հայաստանի զանազան մասերում դեռևս իրենց գոյությունը պահպանող հայ ֆեոդալական տների մասին: Հայտնի է, որ

մահմեդական իշխանավորները հալածելով հայ ֆեոդալական տների վերջին ներկայացուցիչներին, որոշ չափով հովանավորում էին վանական հաստատությունները, համեմատաբար արտոնյալ վիճակ ստեղծելով հայ հոգևոր ֆեոդալականության համար: Այդ էր պատճառը, որ հայ աշխարհիկ ֆեոդալականության վերջին շառավիղներից շատերը սեփական կալվածները հափըռտակումից փրկելու համար ստիպված էին լինում իրենց «պատվարել վանական կալվածատիրության ցուցանակներով» (էջ 1.XI): Հոգևորական սրբմի մեջ պարտաված այս ֆեոդալական տները, լինելով հայ ժողովրդի անկախ գոյության վերջին հիշատակները, սնում էին ազատագրական պայքարի գաղափարներ ու որոշակի դեր էին խաղում ժողովրդի կուլտուրական տրամադրվածների պահպանման ու զարգացման գործում: Դրանցից էին Էջմիածնի, Գանձասարի, Աղթամարի կաթողիկոսությունները, Վայոց ձորի Պառչանների ֆեոդալական տունը, Սյունիքի Գրեկյան ֆեոդալական տունը, Արցախի Հասան-Ջալալյան և Դուխյան ֆեոդալական տները, Գառնիի շրջակայքի գյուղերին տիրող և իրենց Գրիգոր Պահլավունուց սերված համարող իշխանների տունը, Լոռվա հայկական իշխանությունը և շատ ուրիշներ:

Առաջարկում է մի են բերված հիշատակարանային միանգամայն նոր նյութեր այդ վանական հաստատությունների, նրանց կալվածքների, տնտեսության, եկամտի աղբյուրների, երկրի կուլտուրական կյանքում կատարած դերի մասին: Դա նաև տվյալներ բազմաթիվ վանքերի վերաշինության ու կառուցման վերաբերյալ: Այդ տեսակետից մեծ արժեք է ներկայացնում առաջին անգամ սույն հատորում հրատարակվող Զարարիա կաթողիկոսի կոնդակը, որը հրատարակվել է Այրարատյան գավառում կատարված շինարարության կապակցությամբ (էջ 173—174):

Հանրագումարի բերելով ձեռքի տակ եղած բոլոր փաստերը է. Խաչիկյանը ցույց է տալիս, թե ինչպես վանքերն ու եկեղեցիները նվիրատվությունների, «մեղաց զնի» զանձման, զնումների, բանադրանքը շահույթի աղբյուր դարձնելու, իշխողների բռնություններից ու կամայականություններից այլ երկրներ գաղթող գյուղացիների անշարժ ունեցվածքի սեփականացման, առևտրի և բազմապիսի այլ միջոցներով ընդարձակում էին իրենց շարժական և անշարժ գույքը:

XV դարի երկրորդ կեսում, երբ փակվել էին Գլաձորի և Տաթևի նշանավոր համալսարանները, ուսումնական կյանքն այնուամենայնիվ չէր դադարել Հայաստանում: Սեպուհ լեռան

Ավագ վանքում, ապա նրա մոտիկ գտնվող Կապուխ վանքում հիշատակարանների տվյալների համաձայն, կրթական բուռն զործունեություն էր ծավալել Հովհաննես Համշենցին, ստեղծելով աշակերտների մի մեծ խումբ, որոնք այսօր էլ ին ժամանում Հայաստանից և Հայաստանից դուրս գտնվող հայաշատ այլ շրջաններից: Հիշատակարաններում կան տեղեկություններ նաև այլ ուսումնական հաստատությունների մասին՝ Բրիլիսիի, Կոուց անապատի, Խարբերգի մոտ գտնվող Սուր վանքի, Վայոց ձորի Բոլորաբերդ անապատի և այլն:

Բացառիկ մեծ արժեք են ներկայացնում հրատարակվող հիշատակարանները տվյալ ժամանակաշրջանում հայ աշխատավոր գյուղացու արտադրական կենցաղի և հատկապես գյուղական համայնքի հետ կապված հարցերը լուսաբանելու համար:

Հիշատակարանների և այլ փաստաթղթերի ընձեռած նյութի հիման վրա է. Խաչիկյանը գալիս է այն եզրակացության, որ հիշյալ ժամանակաշրջանում համայնքի տնտեսական և իրավական հիմքերը զեղուս բավարար չափով ամուր էին: Որևէ հողամասի օգտագործման իրավունքի օտարման ժամանակ պահանջվում էր գյուղական համայնքի համաձայնությունը: Նրբ խոսք է լինում գյուղական համայնքի մասին, ապա պետք է նշել և այն հարուստ նյութի մասին, որ ընձեռում են հիշատակարանները ազգագրագետներին՝ գերդաստանների գոյության հարցը լուսաբանելու համար: Վերջիններս ցույց են տալիս նաև, որ ունեւոր գերդաստանները հաճախ սեփականացնում էին համայնքին պատկանող հողերի մի մասի օգտագործման իրավունքը, որոնց տնօրինման գործին համայնքը իրավունք չուներ միջամտելու:

Ուշագրավ են գյուղական ընդհանուր հողատարածության (բյոֆշան) մեջ մտնող է. Խաչիկյանի թվարկած հետևյալ 5 կատեգորիաները: ա) հողաբաժանման ենթակա համայնքապատկան վարելահողեր, խոտհարքներ, արոտավայրեր և այլն, բ) տարրեր ճանապարհներով մասնաճիւղ սեփականություն (սեյրենիք», «մուլք») դառնալով այգիներ, պարտեզներ, վարելահողեր, գ) գյուղատերերի կողմից սեփականացված վարելահողեր, որոնք տրվում էին վարձակալման, դ) վանական հաստատություններին նվիրաբերված հողակտորներ և, վերջապես ե) անմշակ, խոպուն ու անհմտ հողային տարածություններ: Ի դեպ պետք է ասել, որ նույն կատեգորիաները պրոպորցիաների որոշ տարբերությամբ պահպանված էին նաև XVI—XVII դարերում:

Ներածության այս մասը շարադրելիս է. Խաչիկյանը մեծ չափով օգտագործել է նաև ձեռագրերում պահպանված բազմաթիվ կալվածագրեր, որոնք XIV—XV և հետագա դարերի ազգային հարաբերությունների պատմության համար մեծ արժեք են ներկայացնում և արժանի են առանձին հրատարակության:

Չնայած XV դարի Հայաստանի բաղադրների, արհեստագործության ու առևտրի մասին հիշատակարանները և օժանդակ այլ աղբյուրները թիչ նյութ են տալիս, այնուամենայնիվ այդ սակավ նյութի հիման վրա, ինչպես նաև օտար և հայ ճանապարհորդների ուղեգրություններից բաղադրված նյութերով է. Խաչիկյանը իր առաջաբանում բավականին մանրամասն ուսումնասիրում է հայ ժողովրդի պատմության այդ թիչ լուսաբանված բնագավառը: X դարից սկսած և բազմաթիվ հարյուրամյակներ շարունակված զանազան բռնկող ցեղերի կողոպտիչ արշավանքները Հայաստանում, դրան հաջորդած թուրք-թաթարական ու մոնղոլական տիրապետությունը ուժեղ հարված հասցրին վաղեմի փարթամ, վաճառաշահ ու բազմամարդ բաղադրներին: XV դարում որոշ չափով սկսեցին աշխուժանալ այն բաղադրները, որոնք ընկած էին Հայաստանի վրայով անցնող Թավրիզ-Հալեպ առևտրական ճանապարհի վրա: Նրանցից հիշատակվում են Վանը, Արձնը, Արծկեն, Խլաթը, Բաղնը, Երզնկան, Խիզանը, Մուշը, Ոստանը, Խարբերդը, Բարերդը, Սղերդը և ուրիշներ: Է. Խաչիկյանը իր ուսումնասիրության մեջ կանգ է առնում ոչ միայն բուն Հայաստանի տերիտորիայի վրա զարգացող բաղադրների վրա, այլև պատմական Հայաստանի հարավ-արևմուտքի, Աղբերջանի, Վրաստանի և Իրանի բաղադրների հայ գաղութների կյանքի վրա, ուր հայ առևտրականներն ու արհեստավորները մեծ կշիռ ունեին: Դրանցից էին Ամիդի, Հալեպի, Հրսնիքեյֆի, Շամախու, Վրաստանի սահմանագլխին գտնվող Արևելի, Աղբերջանի, Շամբրանի, Դերբենդի շրջակայքի, Թավրիզի, Մարաղայի, Արդաբիլի, Սուլթանիայի, Թբիլիսիի, Գորիի, Ախալցխիսի և այլ բաղադրների հայկական գաղութները: Այստեղ հայ առևտրականներն ու արհեստավորները նպաստում էին բաղադրային կյանքի զարգացմանը: Է. Խաչիկյանը թվարկում է վերոհիշյալ բաղադրներում առկա շուրջ 30 տարրեր արհեստներ, այդ ցանկը համարելով խիստ թերի:

Ուսումնասիրության վերջին մասը նվիրված է աղ-կոյունությունների և կարա-կոյունությունների հարկային բաղադրականությանը: Է. Խաչիկյանը չի բավարարվել միայն հիշատակարանների տվյալներով և որոշ վիճելի դրույթներով հանդերձ, նրան հաջողվել է տալ հարկերի ու հարկապահանջության ընդհանուր պատկերը, սակայն հարկային սիստեմի և հարկերի իրաց-

մանը նվիրված է աղ-կոյունությունների և կարա-կոյունությունների հարկային բաղադրականությանը: Է. Խաչիկյանը չի բավարարվել միայն հիշատակարանների տվյալներով և որոշ վիճելի դրույթներով հանդերձ, նրան հաջողվել է տալ հարկերի ու հարկապահանջության ընդհանուր պատկերը, սակայն հարկային սիստեմի և հարկերի իրաց-

ման սկզբունքների ու նորմերի հարցը պետև կարոտ է հետադա ուսումնասիրության: Առարկայան ենթակա է նաև հարկերի այն ստորաբաժանումն ու խմբավորումը, որն առաջարկում է ի. հաշիկյանը: Ավելի ճիշտ, դա հարկերի սոսկ թվարկում է՝ համառոտ բացատրությամբ, առանց դրանց տնտեսական էության և բնույթի մեջ խորանալու: Այստեղ, առաջին անգամ, փորձ է արված պարզելու նաև որոշ հարկերի հատուցման շափերը: Այսպես օրինակ, ամենամանրակրկիտ ուսումնասիրության հիման վրա է. հաշիկյանը համոզեցուցիչ կերպով ցույց է տալիս, որ հայ հպատակներից զանձվող ամենածանր հարկը՝ գլխահարկը կամ որ նույնն է, «ջիզյան»<sup>1</sup>, XV դարի բնթացքում անբնդհատ բարձրացել է և դարի վերջում, 1435 թ. համեմատությամբ, զանձվել է կրկնակի չափով:

Շահեկան են նաև ի. հաշիկյանի կատարած բավական մանրագնին ուսումնասիրություններն ու ճշտումները XV դարի դրամական սխեմայի և ժամանակ առ ժամանակ դրամի կտրսի տատանումների վերաբերյալ:

Պետք է ասել, որ ինչպես նախորդ հատորում, այս հատորում էս կան հիշատակարանների բնագրերի վերծանման որոշ վրիպումներ, որոնք հիմնականում հետևանք են ոչ ճիշտ կետադրության կամ օտար բառերի իմաստի սխալ բնկալման: Այսպես, օրինակ, «էուսավորչի աշխ» պատմությանը նվիրված հայտնի հիշատակարանում (էջ 174, տող 18—19) «տուեալ ձեռագիր և մտեալ դաման առնուլ հարկս յամիրայլն Բաղիշու» համարձակ պետք է լինի «տուեալ ձեռագիր և մտեալ դաման» առնուլ հարկս յամիրայլն Բաղիշու»<sup>2</sup>: Այսինքն Ջափարիա կաթողիկոսը պարտավորագիր տվեց և «դամանի»<sup>3</sup> յ... — երաշխավորության տակ մտավ

համ հանձն առավ Բաղեշի ամիրայից ստանալ հարկը և տալ Ջահնաշին, որից հետո, ինչպես տեղի է հիշատակարանում, «հաւանեալ արքայն և դժխոյն ետուն նմայ նշանագիր և հրաման առնել զինչ և կամիցի»: Որ այս համարձակ սխալ է բնկալվել, այդ երևում է նաև օտար բառերի բացատրանքից (էջ 598), որտեղ փոխանակ բացատրելու «մտեալ դաման» խոսքը՝ հիշված է «դաման առնուլ» և ենթադրարար բացատրված է «արդարություն խնդրել»: Այս կարգի մի բանի այլ վրիպումներից բացի կան նաև կոպիտ սուղագրական վրիպակներ, որոնք տեղի են տալիս մտքի ազավաղումների, ինչպես օրինակ, էջ CXXVIII, տող 14-ում տեղի է ազորաշարքեր», փոխանակ «զորաշարքերի», կամ էջ 176, տող 1, «բնդառաջ էլ զոռոզն Մահմուտ-բեկ» փոխանակ «բնդառաջ էլ զոռոզն Մահմուտ-բեկ» և այլն:

Մատենադարանի № 3756 ձեռագրի, Շմավոն Անգեղակոթցու հիշատակարանը սուղագրված է երկու անգամ (հիշ. № 162 և 402, էջ 124 և 318), բայց որում մի անգամ 1459 թ., իսկ մյուս անգամ 1471 թ. տակ, երբ Շմավոն վարդապետը վաղուց արդեն վախճանված էր:

Ինչպես նախորդ հատորից և ԺԳ դարի հիշատակարանների մի հատորյակից, այս հատորից էս անշուշտ դուրս են մնացել որոշ հիշատակարաններ, հիշենք թեկուզ Մատենադարանի № 3759 ճաշոցի էջ 712 հիշատակարանը: Թեև այս ձեռագրից հաշիկյանը վերցրել է և գրախոսվող հատորում գետեղել № 258 հիշատակարանը, սակայն աչքաթող է արել մի այլ, ոչ պակաս կարևոր, հիշատակարան, որ նույնպես բոտ ժամանակագրության պետք է բնդգրկվեր այս հատորում: Այդպիսի է միջի այլոց ասված է. «...պակասեցաւ աշս ի յուսոյ և զարույթին մարմնոյ, որ պատեաց զմեզ մեղաց հարուածն՝ մա՛ տարածամն և զԳառնի և զԵրևան չարեաց յուսոյն Բ (20) և թող զանաւրին շարն որչափ կայր: Ազաշեմ զմեզ զմեզ ի յաղաւթս յիշեցեր, ծնաւդարն մեր հանդերձ»:

Հիշյալ հատուկներու վրիպումները անխուսափելի են նման ծավալուն տեքստաբանական բնույթի աշխատություններում: Ուշադրությունսից վրիպած հիշատակարանները հեղինակը խոստանում է հավելվածարար հրատարակության հանձնել ԺԵ դարի հիշատակարանների Գ մասում: Դա կլինի վերջին հատորը և կգա ամբողջացնելու այս մեծարժեք գործը, որ բնդհանրապես վերցրած կատարված է խորին պատասխանատվությամբ ու գիտական բարձր մակարդակով:

Գիտական մեծ արժեք են ներկայացնում ավելի քան 150 էջ պրագմենտոլ անձնանունների, տեղանունների, առարկայական ցանկերն ու օտար բառերի բացատրանք, որ ոչ միայն դյուրացնում են հատորի օգտագործումը, այլև հսկայական նյութ մատակարարում այն մասնագետներին, որոնք պրագմենտ են Հայաստանի պատմական աշխարհագրությամբ, հայոց լեզվի պատմությամբ և որ զլխավորն է՝ հայոց անձնանուններով: Միայն «Հովհաննես» անունը կրող 40<sup>0</sup> անձնավորություն է հիշված, որոնցից նշանավորների մասին, ինչպես բնդհանրապես, տրված են համառոտ, բայց կարևոր բացատրություններ:

Նույնաժողովից դուրս է, որ թե՛ դարի հայերեն ձեռագրերի հիշատակարանների» այս Դ հատորը, և հատորի և թե՛ դարի հիշատակարանների» մի հատորյակի հետ միասին իրենց արժանի տեղն ունեն հայկական միջնադարյան սկզբնագրերի շարքում: Սակայն, ինչպես

արդեն նշեցինք, այս և նախորդ հատորի գլխավոր արժանիքը նաև այն է, որ դրանք ոչ միայն անգնահատելի նյութ են տալիս հայագետին հետագա ուսումնասիրությունների համար, այլև իրենց կցված ընդարձակ «առաջաբաններով», որոնք դուրս են գալիս սովորական առաջաբանի սահմաններից, հանդիսանում են XV դարի պատմության նվիրված նախընթաց շունեցող

արժեքավոր ուսումնասիրություններ, մի ավելորդ անգամ ընդգծելով նրանց հեղինակի գիտական խորը հմտությունն ու բարեխղճությունը նման դժվարին աշխատանքի կատարման մեջ:

Հ. ՓԱՓԱԶՅԱՆ

Հ. ԲԱՐԹԻԿՅԱՆ